



Broj : 10/E-11- 1013 /25
Sarajevo: 17-02-2025 godine

Na osnovu člana 10c. stav (5) i člana 18. stav (2) Zakona o javnim nabavkama („Službeni glasnik BiH”, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za stambene i komunalne poslove od 11.02.2025. godine, Općinski načelnik d o n o s i :

O D L U K U

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzima se snabdijevanje električnom energijom stanova koji su u vlasništvu Općine Centar Sarajevo.

Član 2.

Procijenjena vrijednost usluga iz člana 1. ove odluke iznosi 5.125,00 KM bez PDV-a, a sredstva su planirana u Budžetu Općine Centar Sarajevo za 2025.godinu, na budžetskom kontu: 613211. JRJN: 09310000-5 – Električna energija.

Član 3.

Pravni osnov za donošenje odluke o izuzeću od primjene Zakona o javnim nabavkama su odredbe Zakona o električnoj energiji Federacije Bosne i Hercegovine („Službene novine Federacije BiH”, broj 60/23) i odredbe Pravilnika o metodologiji za utvrđivanje cijena za snabdijevanje električnom energijom krajnjih kupaca kod javnog i rezervnog snabdjevača br. 07-02-1-126-10/24 od 15.3.2024. godine, Odluka Vlade Federacije Bosne i Hercegovine o uvođenju posebnih mjera kontrole cijena snabdijevanja električnom energijom za 2024. godinu („Službene novine Federacije Bosne i Hercegovine”, broj 96/23) i Odluka Regulatorne komisije za energiju u Federaciji Bosne i Hercegovine (FERK) o utvrđivanju cijena snabdijevanja krajnjih kupaca kod javnog snabdjevača JP Elektroprivreda BiH d.d. – Sarajevo. Predmetna nabavka iz člana 1.ove Odluke će se izvršiti od JP „Elektroprivreda Bosne i Hercegovine” d.d. Sarajevo.

Član 4.

Ova Odluka stupa na snagu danom donošenja i ista će biti objavljena na web stranicu Općine Centar Sarajevo.

O b r a z l o ž e n j e

Na osnovu zahtjeva Službe za stambene i komunalne zajedničke i tehničke poslove od 11.02.2025. godine u vezi donošenja odluke o izuzeću za snabdijevanje električnom energijom stanova koji su u vlasništvu Općine Centar Sarajevo. Obzirom da Općina Centar Sarajevo ima status nekvalifikovanog (tarfinog) kupca električne energije na niskom naponu – kategorija domaćinstvo, Kabinet općinskog načelnika – Odsjek za javne nabavke predlaže donošenje iste.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;
- b) ta saradnja uspostavljena isključivo na osnovu potreba vezanih uz javni interes;
- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.

Predmetna roba se može obezbijediti od JP „Elektroprivreda Bosne i Hercegovine“ d.d. Sarajevo, a koja se odnosi na snabdijevanje električnom energijom za kategorije imaju status nekvalifikovanog (tarifnog) kupca električne energije na niskom naponu, odnosno za kategorije domaćinstvo.

Pravni osnov za donošenje odluke o izuzeću od primjene Zakona o javnim nabavkama su odredbe Zakona o električnoj energiji Federacije Bosne i Hercegovine („Službene novine Federacije BiH“, broj 60/23) i odredbe Pravilnika o metodologiji za utvrđivanje cijena za snabdijevanje električnom energijom krajnjih kupaca kod javnog i rezervnog snabdjevača br. 07-02-1-126-10/24 od 15.3.2024. godine, Odluka Vlade Federacije Bosne i Hercegovine o uvođenju posebnih mjera kontrole cijena snabdijevanja električnom energijom za 2024. godinu („Službene novine Federacije Bosne i Hercegovine“, broj 96/23) i Odluka Regulatorne komisije za energiju u Federaciji Bosne i Hercegovine (FERK) o utvrđivanju cijena snabdijevanja krajnjih kupaca kod javnog snabdjevača JP „Elektroprivreda BiH“ d.d. Sarajevo.

Kako se radi o kontinuiranom snabdijevanju električnom energijom stanova koji su u vlasništvu Općine Centar Sarajevo, račune za isporučenu električnu energiju je potrebno plaćati, odnosno neophodno je obezbijediti nastavak isporuke električne energije u stanovima koji su u vlasništvu Općine Centar Sarajevo, kako ne bi došlo do obustave isporuke električne energije.

Općina Centar Sarajevo će zaključiti ugovor za snabdijevanje električnom energijom za kategoriju domaćinstvo, koje nije moguće obuhvatiti postupkom javne nabavke sa JP „Elektroprivreda Bosne i Hercegovine“ d.d. Sarajevo.

Za praćenje i realizacije ove Odluke zadužena je Služba za stambene i komunalne poslove.

Analizirajući predmetni zahtjev, utvrđeno je da su ispunjene pretpostavke za realizaciju predmetne nabavke putem izuzeća, odnosno da su finansijska sredstva za ove namjene planirana u Budžetu Općine Centar za 2025. godinu, na budžetskom kontu: 613211.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama na konačno odobravanje i saglasnost.

Cijeneći prethodno navedeno donesena je Odluka kao u dispozitivu.

Dostaviti:

1. Službi za stambene i komunalne poslove
2. Kabinetu općinskog načelnika - Odsjeku za javne nabavke
3. Službi za finansije
4. Evidenciji

